

古今圖書集成

中華書局影印

第一六四冊

方輿彙編

職方典

廣州府部

韶州府部

(卷)

一三〇—一三四

一三五—一三〇

欽定古今圖書集成方輿彙編職方典

第一千三百十卷目錄

廣州府部彙考十二

廣州府祠廟考二 寺觀附

職方典第一千三百十卷

廣州府部彙考十二

廣州府祠廟考二 寺觀附

府志

孝光寺 在南海舊縣治西北南粵王建德故

宅三國吳虞翻謫南海居此廢其宅爲苑多植

蘋蓼訶子樹故曰虞苑又曰苛林翻卒後人施

其宅爲寺中毀造不一至

皇清順治六年僧今盤募修睡佛閣禪堂十年重修

風幡堂十一年本寺因兵燹之後殿宇頽毀合

山榛莽東莞蔡完真庀材鳩工從新修建六載

三寶殿鐘鼓樓五祖堂伽藍堂東西兩廊山門

等處煥然鼎新十八年始落成內有毗盧殿彌

勒閣輪藏殿寶宮後殿西方殿羅漢閣孔雀殿

內鑒閣悉達太子殿來仰軒方丈浴院長生局

延壽堂普庵殿土地堂翠微亭羅漢橋荷井等

今皆廢又有十賢堂以祀寇準蘇軾等南遷亦

廢其古蹟則有洗鉢泉西來井石籤筒在焉

西竺寺 原在小北門宋乾德元年建明嘉靖

三年以貢院湫隘將寺改廓文場官給石湖營

田以補寺基仍給帖歸併光孝寺

廟院寺 原在城西仙羊街桑樹巷元至元二

十九年凌江何遇祖創內奉達摩初祖西天錫

杖及大藏經典三十一年始改今額元季兵燹

經杖並失明洪武九年僧慶祖重建嘉靖二年

奉布按二司帖文歸併光孝寺

淨慧寺 在城西北南漢時爲長壽寺梁大同

三年沙門曇裕建舍利塔曰寶莊嚴寺唐高宗

時廣韶都督重修宋端拱中改名淨慧後毀元

祐間郡人林修建千佛塔高二十七丈紹聖間

蘇軾至此顏曰六榕舊傳達摩僧到一宿至今

絕無蚊蚋梁武帝時命舍利東來至此盡得

其實重載而歸蓋以此塔嘗瘞舍利在梁朝也

後廢地時得古井九環刻基外又得古鼎藏劍

三鏡一鉢瑩如新瘞佛牙舍利其下疑即曇裕

所立古基也內有瀟灑軒明洪武六年毀其殿

廡創末豐倉惟存塔觀音殿八年住持僧愈堅

重建佛殿改寺門向東二十四年併入西禪寺

永樂九年復還本寺廣人呼爲花塔寺

懷聖寺 在南海縣治東南唐時異人所創內

建番塔輪囷凡十六丈五尺廣人呼爲光塔寺

明成化四年都御史韓雍重建相傳塔顛有金

雞隨風南北每歲五六月寺衆率以五鼓登絕

頂呼號以祈風信不設佛像惟書金字爲號以

禮拜焉明洪武二十五年七月金雞爲颶風所

墮送京貯內庫復損錫湯之亦墮於颶風嘉

庚子重修以葫蘆

皇清康熙己酉八月塔中葫蘆頂復墮於颶風

慈度寺 舊在海幢東南漢大寶開始創歲久

圯宋寶祐中郡人鄧侍郎龍圖學士李昂英

因讀書海珠登第後捐資與僧德義建創於江

心海珠石上仍扁慈度侍郎王堊書額後以祀

文溪

寶陀寺 在靈峰山上寺側管郭璞會題南

海盛衣冠之氣卽其地也廣人呼爲小金山明

成化年間太監韋春重修請勅名寶陀寺又名

靈洲山寺內有大雄寶殿金剛殿望氣樓妙高

臺環翠亭宋蘇文忠公謫惠州時維舟於此感

夢題詩後因塑像祀焉山下有超然堂爲仕宦

往來賓饌之所

西禪龜峰寺 在城西四里殿右側有石井深

丈許殿後一石其形如龜故名龜峰明景泰七

年奉旨安置藏經於寺有聖諭存云後爲魏提

學所毀改建大學士方獻夫祠寺內舊如來座

跡入地將尺變而爲池忽填忽消兩藩入粵有

審理章京曾法孔捐金修復顏曰西禪真跡始

滿兩廣都院李棲鳳撰碑紀其事續修萬佛樓

則巡撫都院董應魁爲之記

西華寺 在石門相傳先有西華後有南華明

成化八年太監陳瑄都御史韓雍重建內有刺

史吳隱之祠龐尚鵬扁曰清風萬古萬曆甲午

大佛寺 在南門內右邊舊龍藏寺遺址南控城垣北肩拱北樓後改爲巡按公署康熙三年甲辰平南王建宏麗莊嚴觀者聳焉

海幢寺 在河南始爲郭家園僧池月半光募建佛殿延道獨禪師駐錫於此後僧復募買四面餘地擴充改創大殿藏經閣方丈僧寮諸處康熙十一年平南王建天王殿巡撫劉建山門宏敞莊嚴爲嶺南第一雄刹後有鷹爪蘭一株郭園舊植經數十年兵火不滅寺愈盛而蘭愈茂今以亭蓋之環以欄楯在崇蘭堂前識者比之爲優曇花云

白雲寺 在白雲山上有九龍泉寺久廢明嘉靖中湛若水創精舍其上萬曆中復建庵於遺址上有安期生祠今廢

龍果寺 在白雲山半宋運使陶定建軒曰千峰紫翠亭曰天南第一峰方信儒詩危臺老石寄層巖鶴駕逢迎不記年今日歸來應一笑山川城郭固依然明嘉靖中黃佐改建泰泉書院

月溪寺 在白雲山左宋紹興間蘇太尉紹基建後有墓前爲文昌庵明萬曆中建百山環拱下有月池

景泰寺 在棲霞山泰霞洞宋天禧間僧智嚴創明正統十三年住持僧德存重建遇改元同號請易仍賜舊額山半舊有僧歸亭天順三年金城黃諫由內翰謫判廣州易名廣趣刻石記之嘉靖中黃宮詹佐改爲泰泉書院移僧光孝寺萬曆三十五年僧正喬於山椒卜地修復郡

承倪伯驥邑令陳原道捐資助之寺有番禺縣清文香燈田四頃後僧性愷募化重修

東山寺 在城東明章內增建成化年間賜額末泰惠書一道置田五頃九十畝嘉靖四十二年祀真武於前殿靈應異常

皇清順治七年總鎮班重修知府王庭有記

新景泰寺 在白雲山恩光亭下明崇禎六年黃恩嚴捨地七畝恭議晏清建

護國寺 在教場左明萬曆四十八年督府孟宗文建

壽國寺 僧僧曇林住持環溝碧沼松徑梅亭極爲幽僻明崇禎間僧元象善醫爲當道暨諸縉紳文學所重宗伯陳子壯題曰能施無畏大學士何吾驥書曰水月宮題詩一絕勒於石曰偶向元公借榻眠都疑山靜欲逃禪黃梁已熟渾無夢惟見松風遶篆煙

蒲潤寺 在菊坡祠左宋淳化元年建後圯訶林僧修復之內有蘇軾石刻詩大學士何吾驥書古蒲潤寺額

黃華寺 在東門外明崇禎十七年甲申僧函可買李家行祠建可後開法潘陽弟子今有今廬住持

東林寺 在東門外教場原觀音堂

皇清順治十五年平藩下官文天壽捐資重建僧古

曉住持

果廣寺 舊在城隍廟後

西禪寺 按一統志在府城西宋淳熙中經略周自強建

萬壽寺 按一統志在鳳凰臺下宋淳熙間建明洪武初重建

開善寺 舊在廣恩館遺址

龍藏寺 舊在南察院前

悟性寺 連西竺亦以明嘉靖三年併入光孝寺見存田地一項二十畝

源泉寺 在古蒲潤之左飛泉百尺水響崖峭

間明崇禎年山人蘇秩建

報國寺 在東門外僧德忠住持

元妙觀 在城西隅舊縣南肇於唐則名開元宋大中祥符間改名天寶又曰天慶至元貞二年始改今名內有衆妙堂觀內銅鐘乃唐天復中置造至宋治平中有三佛齊國藩主地華迎囉遣親人囉囉押舶貢琛來廣見觀荒蕪同道藩主四年來捐金重建至元豐二年勅封藩主爲保順募化大將軍至紹興有眉山蘇軾謫海南時本觀住持賜紫衣何德請求文記故有蘇公像方公祠宋季燬元大德中宜撫塔喇海重修復毀迨明洪武初征南將軍廖永忠新之十五年開設道紀司焉嘉靖吳時重修衆妙堂萬曆二十一年道衆捐金募緣重建玉皇寶殿三十年太監李鳳重修真武殿

皇清康熙五年夏平藩重建殿宇一新

五仙觀 舊在番禺十賢坊後徙他所徙後每城內疾病間作或水潦海溢爲患人以爲五仙

失所而然願還其舊宋政和中經略使張勵仍復於舊址明洪武元年平章廖永忠寓觀中誤烈薪火燬焉命高思齊重建新之孫貴記十年布政使趙亨堅以觀地爲廣豐庫乃改創於坡山之後建通明閣塑五仙像於中焉按坡山舊志謂晉時渡頭上有三聖堂丹竈洪武七年參政汪廣洋建禁鐘樓於上曰嶺南第一樓十一年鑄鐘體製洪大高一丈遇火警按四方擊之其樓舊架以木日久圯今易以石極爲堅緻舊有鯨音額內有玉皇閣五仙祠三元殿老君堂慈悲堂眞武殿文昌閣洪聖殿金花廟孫聖殿關帝殿御風亭仙人跡穗石亭丹井祖師壇碧虛觀 舊在蒲澗滴水巖上久廢上有安期飛昇臺煉丹井

朱明觀 按一統志在浮丘山宋建元至元中重建

金剛庵 在城內舊縣前大街康熙六年平藩下右翼中軍副將王國棟捐資創建

延壽庵 西竺新庵 俱在太平門內大新街

庚網庵 在城西第十鋪

祇園庵 在城西龍津巷

種福庵 在西門外積金巷

太平庵 在高第街北向明萬曆己丑建

皇清辛卯僧海法重修住持

長壽庵 在城西南五里舊順母橋故址明萬曆丙午八月巡按沈正隆初至得疾士民爭走神祠祝僧爲誦觀音救苦經數日御史夢見一

白衣婦人翼蔽而前詢云來自城西疾遂漸瘳因即舊地恢拓鼎建慈度閣以奉大士餘爲妙證堂臨濟亭左右禪房悉備頗曰長壽地可八畝同知倪伯顯知縣劉廷元益以白雲庵寺田四十三畝一分俾世香燈遂成名刹有御史記長春庵 在城東探監李敬建明萬曆三十六年憲使汪改作南華禪院慈山禪師嘗駐錫於此

永壽庵 在東山右明萬曆中制府戴耀兵憲馮助建

永勝庵 蓮池庵 俱在東門外

白衣庵 在小北門明萬曆知縣黃鰲捨建

蓮花庵 在小北門外

末慶庵 在大北門外

接引庵 在水月庵 淨土庵 俱在末安門外

彌陀庵 在粵秀山下

福善庵 在城東水關街明萬曆三十八年建

崇禎間大學士何吾驥題曰最上乘諸名士詩人於月望結放生社於此題詠頗多

皇清順治壬辰都督吳進功重修

藥師庵 在小北門內原古寺尼離庵主修復法華庵 舊西方殿明崇禎四年改爲法華堂三官堂 在賢豪街原主事黎遂球住宅順治癸巳都督許爾顯創建

觀音閣 二一在狀元坊晏公街明隆慶六年建一在越秀山越王臺上明永樂元年都指揮使花榮建後改名德祠尋復爲梵刹萬曆間重修布政使陳性學記

雙溪禪院 在白雲二水夾流中間放生池環抱開豁孝廉梁朝鍾同山人蘇秩建

紫竹洞 在白雲山中多紫竹山人蘇秩與僧會徵建

獅子林 在木牌樓街順治辛丑廣州府知府黎民貴捐俸修建

塔坡古寺 在佛山堡

祖師寺 二一在鼎安都龍津頭堡元至順元年創明嘉靖三十六年重修一在泌沖都宋淳祐二年鄉民符應合建元至正間兵毀

白雲寶雲寺 在西樵之西今廢

化成寺 在大同堡

崇勝寺 在沙頭堡

羅漢寺 在平洲堡今廢

慶雲寺 在南山堡

大通寺 在大通堡今廢

寶峰寺 在大歷堡今廢

福山寺 在大攪村

瓊花觀 在太平門外新基河傍

普明庵 在西隆堡元至元年間建

普陀庵 在金紫堡明洪武十七年建

龍源庵 在豐華堡

延壽庵 在佛山堡

盤龍庵 住持僧海源明崇禎六年鼎建

仁壽禪院 在佛山堡

寶象林 在麻奢鄉康熙三年鼎湖在參建內

白石舍利塔工巧莊麗

海鰲寺 在番禺縣東南琵琶洲巽地上明萬

曆中郡人勳卿郭榮光祿寺丞王學曾倡衆

建九級浮圖以培通省氣脉葺寺三座於前中

爲制府戴燿生祠

大通古寺 在州東南大通滄南越劉晟時達

岸禪師住此賜名寶光寺宋政和六年復賜名

大通慈應禪院

覺悟寺 舊在烏龍山

千秋寺 舊在藥州南

因勝寺 舊在白雲虎跑泉上

七仙寺 舊在白雲東北

古勝寺 舊在河南

眉山寺 在沙灣黃編村明正德元年訓導蘇

瑄創建

海光寺 在波羅廟左側古木參天波濤與鐘

梵相應遊人往來不絕

龍華寺 在訛墩鄉

資福寺 在菱塘北亭梁大同間有一梵僧卓錫於此遂建寺爲至唐昭宗天復二年鄭堅清

泉禪院鑄銅鐘一口重千斤于鐘九口天祐三

年鐘同九于忽飛來本寺里人奇之競爲拾田

重修香火益盛元至正間住持僧如觀者民陳

天祐等設立官山渡以資寺費碑記尚存後大

鐘復飛去留一子鐘於田間寺尋頽圯

海雲寺 在員岡雷峰山相傳古有賈胡建明

崇禎間僧今湛住持至

皇清順治初僧函是開法於此平南王捐金鑄大銅

佛高一丈餘次第改建大殿前殿彌陀閣齋堂

方丈皆今湛手自經營遂成名刹商丘伯侯布

政使袁彭年督學何運亮於此受戒兵科給事

中金保於此參悟

石聰寺 在潭山僧今法創建請光孝寺所奉

六代祖師烏金銅相供於寺

邏坑庵 在邏岡澗水濺流可坐石浮觴人就

遊之

九龍庵 在白雲右

清冷庵 在雲淙書院證法堂門外陳子壯建

今廢

帽峰庵 在重岡堡

尉遲巖 在邏岡堡巖最高數丈中有石室旁有

清泉

文昌閣 在沙灣

觀音堂 清龍宮 俱在沙灣

順德縣

寶林寺 在阜南門外創自五季歷宋元至明成化嘉靖間寺凡再圮僧懷樹僧文照文覺先

後募緣重建爲祝聖集儀之所

皇清康熙壬子僧元亮在寺廣開叢林演法乃本陳

嗣法孫也

金城寺 在郊南古樓堡之鹿門村創自元至

明嘉靖二十一年僧宗演募衆重修今廢

興福寺 在馬寧堡宋時僧無本建

隆福寺 在北水堡西岸宋咸淳元年僧慧微

建明洪武二十四年僧宣緣重修歲久摧剝嘉

靖三十五年僧可禪會衆修復

化樂寺 在平步堡宋嘉熙四年堡民周挺建

明天順間民何准劉末平等重修

國壽寺 在白藤堡

長興寺 在甘竹堡併入寶林

普勝寺 在雲步堡

昭瑞寺 在倫敦堡

國壽寺 在龍山堡

庚流寺 在平步堡仙岸村寺前一水向庚而

流故名今廢

地藏寺 在古樓堡之金牛村

國明寺 在龍江堡今廢

福田寺 在桂林堡之北滄村

元真觀 在阜南門外一里鳳凰山之南內有

紫霄圖煉丹井洗硯池游隱堂羅務光修煉之

所觀後廢爲察院行臺改建於寶林寺東而行

臺今亦廢矣

藏真庵 在紫霄圖羅務光游隱堂於此修煉今廢

錦巖庵 在邑拱北山石壁下旁有石臺亭榭可供宴眺

圓通庵 在石涌堡

慈度庵 在龍津

芥木庵 在藍田

嚴持庵 在甘園

觀音庵 在龍山堡

白毫庵 在藍田

金沙庵 在馬岡

真慶宮 在科第舖爲縣廨後案明萬曆三年知縣沈鐵建

文昌宮 在縣東街

桂洲道院 在桂洲

逢溪道院 在逢溪

地藏道院 在古樓堡

文昌閣 四一在城東門外青雲路花塔前有邑人進士余雲祥碑記一在衆浦村一在仕版

鄉一在桂洲外村

東莞縣

資福寺 在縣治西一百五十步南漢禹餘宮邵廷珩以居宅爲之周圍四至鑿四井爲界明洪武二十四年設僧會司正統十年重建邑人侍郎陳建記之寺有田地塘十九頃八十畝歲納糧一百五石九斗三升宋胡大淵所捨入寺者石碣等河渡三十六處納河泊課米七石乾道五年宋姬捨今存寺者十之二而已有羅漢閣一名靈源閣祥符三年比丘祖堂建蘇軾在

惠州以佛腦舍利薦以玉璧施於閣供養且爲之記有再生柏此柏以祖堂禪師去而枯迎師回而復榮亦蘇軾爲之銘嘉熙乙亥許巨川重修閣屢興廢元初張弘範取佛腦舍利進於京明洪武十三年閣廢以其址爲法堂鐘鼓樓在寺門左正統年間建天順癸未吳中重修嘉靖四十年寺僧募緣復建按寺址頗廣今被侵占不可詰萬曆年間建禪喜堂於後而蘇子瞻所撰記與銘皆勒於石以存古蹟寺前有鎮象塔以石梵成刻曰大寶五年壬戌禹餘宮使邵廷瑁買地起創解院覺禪寶塔五層以崇妙善因每秋有羣象踏食田禾奉勅採捕然戴甲披毛俱是負來之命慮遺骸滯魄難超舍去之魂仰賴良因速成濟渡南漢大寶五年卽宋建隆三年也

弘化寺 在縣東榴花村銅嶺塔下邑人按察使袁應文建今壞圯僅存香火

慧雲寺 在縣東二百五十步今廢

圓明寺 在縣西登瀛坊今廢

普通寺 按縣志在縣西五十里大寧村田三頃六十五畝一分糧米一十九石五斗三升二合九勺

慶林寺 按縣志在縣南六十里靖康場田地七頃六十八畝三分糧米四十石九斗八升一合夏稅麥四升九合二勺

靈渡寺 按縣志在縣南黃田場靈渡山田三十五畝五分糧米一石八斗九升九合三勺

法性寺 按縣志在縣西三十里亭頭村田六十畝糧米三石二斗一升

海光寺 按縣志在縣南二百五十里東莞塢正與南山相對乃休咎禪師道場也有南漢劉氏所鑄鐵佛又有石魚石磐狀長丈許聲極清遠亦劉氏舊物田三頃二十七畝糧米一十七石四斗九升四合五勺

雲溪寺 按縣志在縣南歸德場寺舊在三里山有校書郎鄧驥記後移建今址田地七頃三十四畝八分糧米三十九石三斗一升一合八勺

覺華寺 按縣志在縣西十五里春堂村僧田地塘八十畝糧米四石二斗

法華寺 按縣志在縣東六十里福隆村

鴈塔寺 按縣志在茶園村田地塘九十四畝五分糧米五石五升五合八勺

眞聖寺 按縣志在縣東二百步寺有慈眞烏佛求嗣者禱焉田六頃一畝糧米三十二石一斗五升三合五勺

上清觀 按縣志在道家山上乃紫霞崔眞人羽化之地宋政和甲午邑宰楊積相地改創淳熙戊申邑宰王中行重修未就緒而去縣尉蔡廷發繼完之歷年既遠棟宇摧頽衛邑文武縉紳方議興建適賴郡羽士王秀野至衆請主其事乃撤其舊而新之邑人陳似愚夏侯子勝楊南岡戴祚養等輩贊成之肇工於明洪熙元年乙巳落成於宣德元年正月規模壯麗觀昔有

如若三清諸像亦完觀後舊有見遠堂邑宰王中行改創亭宇扁曰道家山左右復有景星堂紫霞禮斗壇仙履亭俱廢不存本觀道田地五頃八十畝六分糧米二十一石六斗四升一合文昌宮 按縣志在道家山鳳凰臺側宋淳祐

間縣丞黃閻所建奉梓潼帝君前有景星堂兵火後俱廢元皇慶季年權縣郭應木望梓潼像於上清觀真武殿仍扁曰文昌宮久廢明洪武壬申南海衛指揮常懿重建後為風所壞洪熙元年羽士王秀野等協力重建煥然一新

修慧院 按縣志在縣東監南山南漢大寶三年內承宣使劉廷威鑄鐘二百五十斤置院中後改慧雲寺宋紹興二十三年邑宰姚孝養移置寺額於東莞鐘歸海光寺紹興間邑宰張勳取鐘還慧雲寺明末樂間為盜竊去

獅子院 在城西郭係硝磺地歲納硝磺銀一兩餘明崇禎六年城西善信建誦祝壇時修懺會

正覺庵 在城東郭白衣庵相連明天啓間邑人封君李禮倡眾信同建

慈度庵 在城北郭明天啓間邑人溫迪元建為祝母壽結放生社歲凡四舉湛持閣在庵東上供準提佛母菩薩莊嚴莫比依慈院在庵與閣之間為迪元依彭夫人之院故名

何岷鎮張履初張二果暨會友放生因建為會地邑宰李模額曰小楞伽立有清規不募緣不應赴數款四時禮誦放生歲以為例

廣惠庵 在城東四十里石岡村邑人進士黃應華兄弟倡建為資報先慈冥福淨侶祝釐雅為邑中勝道場也

萬壽庵 在城東二十里茶園村邑人建歲久壞明天啓間邑人陳其琛同眾復募建符兄表崇友為之疏崇禎九年水淹圯復募修

瑞石庵 在琥珀坑亭岡嶺邑人黃天微建

白馬庵 按縣志在縣西十五里者舊相傳舊有神人騎白馬見於此鄉因名其地曰白馬建石塔以鎮之宋紹熙間邑宰張勳始建新庵後夢之神刻碑誌其事

杯渡庵 按縣志在杯渡山

慧善庵 按縣志在官富場

然公庵 按縣志在深溪山龍潭上久廢明宣德七年冬鄉人於山兜村建庵奉之

從化縣

太平寺 在楓園鄉

北山寺 在城北外

王樂寺 在影田鄉

靈孚閣 在錢岡鄉奉洪聖大王

懷聖寺 按縣志在馬村堡

萬壽寺 按縣志在北帝廟後千戶童斌建順治十八年知縣孫繩捐俸重修

白衣庵 按縣志在城東北五里邑人鄧超建

觀音庵 按縣志在風雲嶺庵依觀音巖小構俯臨絕壁有時雲雨反在下非窮日之力不能登陟

帽峰庵 按縣志在帽峰之巔其神顯赫質禱輒應四方迎致殆無虛日

龍門縣

萬壽寺 按縣志在城西門外知縣李萬軍於明萬曆十二年建

元妙觀 按縣志在萬壽寺後邑人譚文易送稅田三畝為址

新寧縣

西巖寺 在西門城外

白象寺 按縣志在德行都獨岡村香火田地塘三十畝

金溪寺 按縣志在文章都相傳鍾鼎煉丹於此久廢

靈湖寺 按縣志在廣衛城東有香火田三十畝三分一釐

寶國寺 在平康都

觀音堂 按縣志有二一在文章都黃沙村一在縣東郊紗帽山之麓

觀音巖 在城西門外一里

普陀巖 在縣西郊

六祖堂 按縣志在靈湖寺左堂前有菩提樹一株

塔二座 按縣志一在城外連珠山頂一在縣西麥坑村之右

增城縣

萬壽寺 在邑治南鳳凰山之東麓東向舊名

法空寺 宋嘉祐間僧鑑圓創為祝延聖壽之所

乃改名萬壽寺以後法堂奉生佛賓公明洪武

十五年設僧會司於此

翔鳳觀 在南山塔側

集福堂 在縣金牛都宋咸淳間創元季毀明

洪武三年重修今廢

寶蓮庵 在北門外

東早庵 在東門城外相江之汭前有文昌閣

關聖閣

西園庵 在西門城外

華嚴庵 在石灘村

棲雲庵 在雲母都白水丹丘

香山縣

無量寺 在縣治東北舊在縣東南五十步本

劉中行宅宋乾道中掘地得跌佛遂捨宅縣令

范文林建蕭惠叔又捨銅佛一軀明洪武中僧

本廉徙於壽山下因寶慶寺舊址後廢永樂七

年僧會祖重建嘉靖元年提學道行文教諭顏

階毀銅佛鑄邊豆二十四以祀

文廟七年游僧重建

元興寺 在縣北大海中浮虛山上宋趙時鑑

始建真武堂元大德中改為寺元末毀於兵火

鳳山古寺 在小欖鳳山之陽其前為鄉約亭

自昔講六箴於此

寶蓮寺 在大欖

普覺寺 在小欖王官營祀南宗大禪師恩貢

生何源道記

北極廢觀 按縣志在縣東鎮撫舊址

開元庵 在大欖飛駝山落霞峰下

香林庵 在縣南十里小嶺山中明崇禎年間

僧慧融建嶺產佳茶

白衣庵 在縣北西林庵後山之巔明崇禎年

間建

衆母庵 在縣城內東北豐盈廢倉舊址

皇清順治年間知縣胡戴仁建

普陀庵 在香山場後今廢

西山庵 在縣南鳳凰山西今廢

龍蹄庵 在縣西南斗門村今廢

翠竹庵 在縣南東山下樓前村今廢

獨覺庵 一名寶林在縣東九十里東山村今

廢

西林庵 在縣北一里蓮塘村庵後有觀音閣

今俱廢

西竹庵 在香山場今廢

天妃宮 在河泊所前今廢

建福堂 二一在縣海旁濠涌村宋紹興中陳

進武建一在縣西北古鎮村

集真堂 在縣東北丫巷今廢

顯真堂 在縣北小黃圃村今廢

康帥堂 在縣西沙涌村今廢

忠勇堂 在縣西小口村今廢

新會縣

龍興寺 在西關內有文昌官北帝殿六祖堂

觀音堂泰山祠地藏祠

雪峰寺 在江門天妃廟後鄉官蘇泰初捐地

僧上雪募建

天臺興寺 在天臺山麓龍王井側邑人進士

余玉成重建

月華寺 在吳村慧龍山宋季毀元至正間僧

慧濟重建

報恩寺 在縣東奇榜村

黃雲寺 在圭封山明嘉靖元年廢

象山寺 在源清宋宣和間僧有定建今廢

萬壽寺 在禮義明洪武十七年僧明暢重建

今廢

雙湧寺 在瀧水唐咸通間有梵僧自西來駐

錫於此始建明成化中僧眞賢重修

九源寺 在遵名上臺山南有九泉故名宋政

和間僧知章建以祀勅諭定應無際禪師師邑

南莊梁氏子戒行清嚴宋理宗寶慶二年作偈

跌化於大雲深處故老迎歸寺中香火之元末

燬明洪武二十年僧廣壽重建嘉靖四十二年

重修

隆興觀 在惠民門外內有元壇廟三官廟黃

雲廢寺六祖堂醫靈廟

白衣庵 普庵堂 俱在演武亭左

黃佛堂 在潮陽道北南唐中和四年建明洪

武十八年重修

立仙堂 在南莊宋紹定間民朱立生有異質

兒時牧羊或對人作世外語淳祐癸卯五月五日於雲峯跌坐而化鄉人建堂祀之

孕乳堂

在圭峰流泉石上

三水縣

華山寺

僧復庵建僧古溪重修寺中有金沙井闢龍鐘

花果寺

按寺設於宋末岡頭鄉人捐有寺田利瓊長岐都人士設有文會歲首齊赴課文後學進庠及中式側置酒捐資貯爲文會供課之用

紫竹庵

在城內舊是邑人黃際育書館城守熊文舉修立爲庵

天妃宮

在河口

青雲庵

在河旁塔下

和光庵

在西南街後有邑人李鍾誦修復記

笑天巖

在城東高山上巖口有龍涎水附近鄉人建庵於其上

清遠縣

東林寺 在縣東唐顯德二年僧保智創元李毀明洪武十八年千戶劉俊重創宣德十年僧爲霖募置田四頃今爲祝聖道場

廣慶寺

即清遠峽飛來寺梁普通年間貞俊禪師建賜額至德末康定二年改今額

月華寺

按縣志在縣西太平鄉宋景祐三年僧惟善創明初猺賊燒燬有田六十五畝二分六釐

普勝寺

按縣志在縣西太平鄉宋景祐二年

僧道賢建明初猺賊燒燬

隆嗣寺

按縣志在縣西南清平鄉宋景祐年間僧心順建旋毀明僧良虛重修有田三十一畝六分四釐

覺清寺

明洪武二十四年歸併東林寺

寶月寺

宋景祐年間創今廢

翠竹寺

明洪武元年創後毀於猺賊

禪林寺

按縣志在縣東南滬江鄉宋景祐年間僧吾憶創自號禪林寺明洪武九年僧志深重修二十四年歸併廣慶寺

中興寺

按縣志在縣東滬江鄉宋景祐二年僧崇義因得古寺場重建明洪武年間歸併廣慶寺

隆禪寺

按縣志在吉河鄉久廢明初僧心奇重修歲久復廢有田一項二十一畝四分二釐

洪武三十五年

官撥清遠衛前所百戶鄭貴屯種

佛跡寺

按縣志在城東興仁鄉和尚埔今云

鴨潭村

招興寺 在縣東吉河鄉宋神宗二年僧明海創元李毀明洪武二十四年歸併廣慶寺

永樂寺

按縣志在縣東南滬江鄉大連村

月溪寺

按縣志在縣東南舊名招仁里月溪村

因果寺

按縣志在縣西北池水鄉團步村

廣果寺

按縣志在縣西北池水鄉田心村

西峰寺

按縣志在縣東南滬江鄉盧塘村

四恩寺 按縣志在縣東滬江鄉水西村舊志云永業里

覺海寺

按縣志在縣東南吉河鄉黃龍村已上創廢莫攷遺址猶存

慈雲庵

在縣東東林寺右今廢

靈源庵

在縣東十里山半有泉陡出味甘而烈秋冬不竭爲僧海動所闢

皇清順治十二年

邑士民捐金創建

新安縣

海光寺 舊在縣西觀音堂後徙於南門外相傳南漢時有鐵佛在海中夜有光因祀之於寺又有石魚亦南漢時物今廢

雲溪寺

在縣西四十里歸德場三十里山之麓今改爲萬壽寺

雲渡寺

在縣西二十里靈渡山

東山寺

在大鵬所東門外東山嶺中爲觀音堂左上帝殿右文昌閣前三寶殿

杯渡庵

在杯渡山瑞應巖上

慧善庵

在杯渡山瑞應巖上

祇園庵

在陽臺山下

福如庵

原在東門外今移於城內舊所之後改名觀音閣

香林庵

在油樟頭康熙十二年建

永壽庵

在城外天妃廟之右日久頽圯順治十八年重修

神溪庵

在青湖前隔水神逕園舊址康熙十一年建

寶月庵 在東坑康熙十一年建

照月庵 在城外照月巖今廢

西源庵 按縣志創於僧覺度在邑城西門外

壕側僅數畝許樹木葱鬱不啻林泉而前通海濱

萬里澎湃島嶼峙峙鷗鳥迴翔風雨晦明皆成奇觀

右有亭翼然屹立凡貴人送客往往宴集於此

康熙十九年知縣張明達所建也

甘溪庵 按縣志在高頭崇鎮鋪康熙十六年

創於僧間堂地周數畝環以竹木內蒔花果雖

堂止數楹而高敞軒朗氣象爽豁前對梧桐青

碧如畫間堂以詩名又好遊嘗曰足不遍名山

負此生矣庵成數年旋授其徒主持杖錫渡嶺

而北有見之於長安者或曰又西入秦云

三官堂 在城西門內千戶袁創建康熙五年

總鎮張國勳改修前座奉三官大帝後座奉佛

前後兩邊添置別室築園作園貴游便之

花縣

隆興古寺 按縣志在瑞雲山下相傳寺創於

唐元時重修荒碑斷碣僅餘片石其可識者有

云四百年來古復今歷盡春秋殘暑雅表禪

師巨眼翁逢緣來作山中主

竺峯庵 在水口村

連州

光孝寺 在城隍廟東宋泰始七年建宋嘉祐

六年僧法辨重建初名嘉祐後改名天寧萬壽

最後又改今名明嘉靖二十二年僧普化又重

翠峰寺 在州朝天門外明弘治九年郡守曹

鎬重修建嘉靖二年寺改為祠祀唐宰相劉公

瞻萬曆七年復建觀音閣於祠之後

惠宗寺 在興賢門外俗呼北山寺唐貞元間

僧景常元慧始建明嘉靖二年改為二賢祠移

其鐘於譙樓二十八年改為三賢祠三十八年

改為四賢祠四十二年再闢地建祠於寺後

大雲寺 宋開寶郡守董樞建明嘉靖二十八

年重建

明覺寺 在泗洲堂

覺宗寺 在嶽廟東

香雲寺 在香雲街

順山寺 在興賢門外

清涼寺 在楞伽峽已上諸寺今俱廢

天慶觀 舊在興賢門內明隆慶丁卯另闢地

鼎建

清虛觀 在靜福山梁大通中廖清虛居此山

修煉至陳光大二年上昇鄉人即其居為觀宋

隆興中屢降天書百二十餘軸神宗加賜顯號

曰靈禧真君觀宇弘敞東西有御書閣洪音樓

歲久頽敝

真祺觀 在錦書舊為游仙觀北有石如劍南

有山如棋相傳觀自唐時飛來然不可考矣

延真觀 在白鶴山唐武后末昌元年建山前

後各有石級

元真觀 在瓦窰岡

青霞觀 在雙龜水口

東陂觀 在塘頭坪

丹臺觀 在嶽宮前原名興化又云女冠觀唐

則天朝授元年賜額後改今名今廢

清都觀 在嶽宮右舊有巨鐘諺云丹臺觀裏

井覺宗寺內龍報恩殿上佛清都觀裏鐘今廢

陽山縣

北山寺 在縣治北賢令山之東循石磴層折

而上古松遶逕清泉響澗石橋流水環門穿舍

迴然別有天地中為元帝殿一名北殿左為文

昌祠即七賢祠右為觀音堂祠建觀音閣於北

殿之後以堂地改造三元祠明崇禎四年邑人

歐陽熙改建文昌祠於觀音閣之右以原祠地

建關帝殿西寇之後祠殿圯廢今稍修葺

元帝東殿 在東關外郭升暨典史王占春重

修

嘉興寺 在浦下鄉去縣治八十里

證因寺 在縣北八十里常歲青蓮村宋延祐

二年建

大慈寺 在縣東二百步宋熙寧二年建今廢

嘉祐寺 在浦下鄉羅村元至元間建去縣三

百里

觀音寺 在浦下鄉馬鞭堡元至正六年建去

縣東北三百里

香積寺 在縣北二百里浦下鄉馬水村宋紹

興元年建

寶觀寺 在縣北三百里浦下鄉遠塘村元至正元年建

青蓮院 在縣東三十里桃江水口元至正間建

元真觀 在縣東三百步元至順二年建

連山縣

香界寺 按縣志在永福鄉紹興元年僧普善創建元末毀於兵火故址猶存

福壽寺 按縣志在永福鄉駝村宋寶慶元年僧普靈創建元末毀於兵火明末崇三年復業鄉民羅廣秀重建今廢

寶相寺 按縣志在永福鄉大富村元皇慶元年僧何濟創建元末毀於兵火故址今存

復興寺 按縣志在永福鄉西山宋嘉定三年僧羅漢創建元末毀於兵火故址今存

香社寺 按縣志在諸鶯鄉韶陂村宋紹興六年僧何丹創建元末毀於兵火故址今存

禪源寺 按縣志在諸鶯鄉沙坊村宋開慶間僧本化募建元末毀於兵火故址猶存

漏覺寺 按縣志在諸鶯鄉石角村宋紹興十二年僧周覺創建元末毀於兵火明洪武元年鄉民吳仕淵重修寺有田二十二畝六分見係

未福鄉民周佛真承佃納糧

金地寺 按縣志在諸鶯鄉龍口村宋紹興十二年僧道隆建元末寺毀故址僅存

保福院 按縣志在永福鄉上西山宋寶慶三年鄉士羅慶壽建元至元間毀於兵火故址猶

存

需要完整PDF請訪問: www.ertongbook.com

欽定古今圖書集成方輿彙編職方典

第一千三百十一卷目錄

廣州府部彙考十三

廣州府驛遞考

廣州府兵制考

廣州府物產考一

職方典第一千三百十一卷

廣州府部彙考十三

廣州府驛遞考

南海縣

胥江驛 在縣西北

官客驛 在縣西北金利堡

龍塘鋪 安恩鋪

石馬鋪 官峰鋪

橫潭鋪 凌江鋪

溢池鋪 新要鋪

殿河鋪 水東鋪

扶南鋪 華表鋪

石牌鋪 大坑鋪

沙邊鋪 沙坑鋪

上諸鋪俱在縣南

番禺縣

五羊驛 在城南官渡頭

府志



瀝湖驛 在縣北茅田村

柏松鋪 開氣正鋪

磨刀坑鋪 橫岡正鋪

牛運嶺鋪 冷水坑鋪

鷄鴨中鋪 鷄鴨下鋪

康洞中鋪 松柏塘鋪

上諸鋪俱在縣北

大水正鋪 大水中鋪

車陂中鋪 白石正鋪

白芒鋪 白石正鋪

上諸鋪俱在縣東

順德縣

縣前鋪 在縣左

大洲鋪 在縣東

都黏鋪 在縣南

東莞縣

黃家山驛 在縣東北黃家山村

鐵岡驛 在縣東第五都

縣前鋪 在縣左

蕉利鋪 獨岡鋪

白馬鋪 何田鋪

赤岡鋪 陽尾灣鋪

土田鋪 城東鋪

關門鋪 白沙鋪

新涌鋪 泥塘鋪

楊樹角鋪 沙尾鋪

月岡鋪 羅黎洞鋪

古樓鋪 鹽田鋪

下梅沙鋪 溪涌鋪

烏涌鋪 壘福鋪

大鵬鋪 大鹿鋪

黃沙水鋪 以上諸鋪俱在縣南

茅田鋪 在縣東

從化縣

李石岐驛 在縣岡

縣前鋪 佛子嶺鋪

津頭鋪 牛往正鋪

象嶺鋪 太窩朗鋪

野鴨塘鋪 土鋪

龍門縣

甘鄉鋪 黃溪鋪

長灘鋪 油田鋪

峽口鋪 赤佛鋪

新寧縣

急遞鋪 李凹鋪

山背鋪 李村鋪

都鹿鋪 古隆鋪

松逕鋪 鹿馬鋪

南華鋪 橫山鋪

增城縣

東洲驛 在縣南甘泉都

增江鋪 在縣南

鳳凰中鋪 鳳凰正鋪

在縣東

鶴子鋪	客路鋪	泉井鋪
鴉湖鋪	聶田鋪	河塘鋪
佛嶺鋪	以上七鋪俱在縣西	
界牌鋪	在縣東三十里	
蓮塘鋪	丁塘鋪	墩頭鋪
沙埔鋪	埔墟鋪	
香山縣		
總鋪	在縣前	
新會縣		
蜆岡驛	在縣西	
總鋪	在縣治西	
圭峰鋪	大園鋪	橫槎鋪
圭現鋪	古蠶鋪	坡亭鋪
蓮塘鋪	以上諸鋪俱在縣北	
橋亭鋪	草萍鋪	二鋪在縣西
官來鋪	草亭鋪	蜆岡鋪
劉邊鋪	馬鞍鋪	都祿鋪
諸鋪俱在縣南		以上
榜冲鋪	在縣西南	
三水縣		
西南驛	在縣東十二里	
縣前鋪	蓮塘鋪	仙嶗鋪
華山鋪	清水鋪	望仙鋪
仙安鋪	楊梅鋪	擢桂鋪
清遠縣		
安遠驛	在縣西	
橫石機驛	在縣西南	

廻岐驛	在縣南	
官莊驛	在縣東	
縣前鋪	在縣門東	
山塘鋪	馬嶗鋪	青石鋪
太平鋪	四鋪俱在縣南	
峽頭鋪	稔坑鋪	橫石鋪
大塘鋪	北坑鋪	下萼鋪
南坑鋪	渡頭鋪	烏石鋪
白石鋪	太廟鋪	舟行鋪
白土鋪	以上諸鋪俱在縣東	
新安縣		
急遞鋪	在縣門右	
流塘鋪	在縣北十里	
關門鋪	在縣北四十里	
周家村鋪	大涌鋪	月岡鋪
彭坑鋪	大鹿鋪	下岡鋪
諸鋪俱在縣東		以上
花縣		
大東園鋪	長山脚鋪	李漢陂鋪
高會鋪	鴉湖鋪	蚌湖鋪
官峰鋪		
連州		
總鋪	在州治西	
石泉鋪	在州西十五里	
關子鋪	在州西北三十里	
東山鋪	在州東二十里	
風門鋪	在州東四十里	

大瀧鋪	在州東北二十里
斂前鋪	在州東北四十里
順平鋪	在州東北七十里
陽山縣	
總鋪	在縣前
東寨鋪	在縣北二十里
潮水鋪	在縣西北四十里
太母鋪	在縣西北六十里
下平鋪	在縣西北八十里
勝木鋪	在縣西北一百里
查田鋪	在縣西北一百二十里
牛眠鋪	在縣東北十五里
香江鋪	在縣東北十五里
青蓮鋪	在縣東北三十里
鄭家鋪	在縣北四十里
連山縣	
總鋪	在縣前
上吉鋪	在縣東二十里
查母鋪	在縣東三十里

廣州府兵制考

通志

本府

提督總兵官一員四營遊擊四員

四營守備四員四營千總八員

四營把總十六員四營兵丁四千名

提標中左右前四營原額設經制官兵四千零

一員名內設經制官三十三員馬步戰守兵共

三千九百六十八名額設戰馬八百匹各官經

制自備坐馬一百零八匹船隻水手俱無查自

康熙八年正月十六日奉部文行除汰起至康

熙十二年六月終止陸續汰除及逃故連前缺

額共減去兵三百八十五名現缺官一員實在

官三十一員兵三千五百八十三名康熙八年

七月內奉文移駐省城除調撥防汛外尚實現

在官兵一千二百二十八員駐札廣州新城

廣州新城城守副將一員中軍都司僉書一員

守備一員千總二員把總四員兵九百一十二

名康熙二年正月內新奉

旨頒定經制額設都司一員千總二員兵四百九

十七名共官兵五百員名額又抽去六名撥充順

德增城博羅營尚官兵四百九十四員名因見

汛廣兵單分佈難周康熙七年三月內在通省

各鎮協營寨內抽兵一百九十六名共官兵六

百九十員名康熙十年九月內又更定營制改

設副將協營將羅定東安西寧三營官兵內移

調副將一員守備一員把總四員戰守兵七百

六十八名歸入本營共官兵一千四百六十四

員名續於康熙十一年十月內奉文抽撥入順

德鎮營戰守兵五百四十三名尚額官兵九百

二十一員名查自康熙八年正月十六日奉部

文行除汰起至康熙十二年八月終止陸續汰

除及逃故連前缺額共減去兵八十二名現缺

候補官一員尚實官兵八百三十七員名駐防

廣州新城城汛八門二關司府庫獄高土各炮

臺及營防各塘汛營

南海縣

共設塘汛七處

一本營西接壤三水沿海岸一帶設立新沙鹽

步舖前街邊沙口荔枝園舊黃鼎七塘汛於康

熙三年八月內每塘撥兵六名駐守偵探盜賊

出沒并郵傳三水北路公文

共設汛防十處

一沙角尾設立高炮臺土炮臺二座係附城咽

喉之區原屬廣州水師撥防康熙三年九月內

奉文移改本營高炮臺撥兵三十名土砲臺撥

兵二十名駐守

一清河汛附近大海接壤新會坡山等處盜賊

出沒之區先調撥南雄營官兵駐防康熙十年

十二月初一日日本營添設官兵奉撥更換現在

官兵五十四員名駐守

一九江汛地廣民稠接壤德甘竹龍山等處盜

賊出入靡常康熙五年九月內奉撥本營目兵

五十名駐守每歲二季更班堵禦

等處盜賊易於出沒康熙九年十月內奉撥本

營目兵三十八名每歲二季更班堵禦

一官審汛附近鄉市近海依山界連三水係屬

衝險現有提標官兵駐守凡九十九名

一和順岡汛附近鄉市近海依山係屬扼要現提

標官兵駐守凡四十九名

一把水汛附山依海接壤番禺地方路通花山

峒口盜賊出沒之區現提標官兵駐守凡九十

九名

一灝石汛附鄉村近大海先有提標官兵駐守

續奉撥本營目兵一百名更換防守隨據里民

呈請水兵宜留陸兵宜撤於康熙十一年十一

月內奉行撤調

一開頭龍慶附鄉近海現有提標官兵駐守凡

九十九名

番禺縣

共設塘汛八處

一本營東接壤增城沿海傍一帶設立新沙獵

德程界赤子勒魚珠白沙登旗岡南岡頭八塘

汛於康熙三年八月內每塘撥兵五名駐守偵

探盜寇出沒并郵傳潮惠一路公文

共立汛防十營

一白規殼設立砲臺一座在本城隔河之南原

設以扼海口備禦盜寇本營撥兵二十名駐防

一鶴岡汛附海盜賊出沒之區上通清從三水

下達南海詳奉設立營汛現派目兵二十三名

一江村汛係屬隘口要區上通從化下達南海把水等處於康熙七年七月內詳奉設立營汛現派目兵二十三名駐防堵禦

一照鏡湖汛原係賊首陳學進竄寨續剿撫平軍具詳奉撥督標官兵一百名駐防康熙十年十二月初一日本營添設官兵奉撥更換現在目兵三十九名駐守堵禦

一華木坑汛附近增從帽峰山交界要區現提標官兵駐守凡九十九名

一小選鶴田與增城地方交界險要之區現提標官兵駐守凡五十九名

一里溪邊汛衝扼僻險現提標官兵駐守凡四十九名

一金釵營汛沙莞二司交界地方盜賊出沒要區現提標官兵駐守四十九名

順德縣

自康熙二年周李犯城後始議設城守設總鎮衙門分哨防汛而駐防遂多官矣隨於康熙十一年額官兵共三千五百零一員名內總鎮一員左右二營遊擊二員守備二員千總四員把總八員城守千總一員把總二員內止有總兵衙門餘皆借民祠未建公署

東莞縣
應制原無城守
皇清設守備一員千總一員把總三員通共官兵五百員名
從化縣

縣北一百里近龍門鐵場山盜嘯聚出沒之所原設官兵二百名哨官二員守備一員統之新設城守千總一員

龍門縣
額設守備一員經制千總一員把總二員守兵五百名後撤兵一百七十三名止留三百二十七名為龍門寨駐防設兵自此始

新寧縣
駐劄縣城額設官兵五百員名內守備一員千總一員把總二員守兵四百九十六名陸續抽撥裁汰僅存官兵一百六十六員名新寧營地方遼闊不足防守議者謂議額宜復云

駐劄那扶營分汛寧地額設守備一員千總一員把總二員官兵共五百員名

增城縣
題定於康熙三年准設經制官統兵三百名內一百在縣治守城餘分鎮楊梅金牛綏福雲母清湖各都地方其公署未建尚借民祠

香山縣
前山寨順治四年額設官兵五百員名平藩入粵改設官兵一千員名康熙元年七月內添撥撫標奉裁官兵五百員名入在寨額駐防縣城康熙三年以前參將一員左右營千總二員把總四員共官兵一千員名康熙三年內改設副總府衙門添設左右營各都司一員守備一員千總一員把總二員共添設官兵一千員名本寨副總府一員左右寨共都司二員守備二員

千總四員把總八員康熙三年五月內勘海公疏添兵五百名共官兵二千員名左營額設官兵一千員名除陸續抽撥及逃故奉文裁減不准頂補共缺額設兵七十二名尚實官兵九百二十八員名康熙八年八月內奉行復勘海公疏題定本營臺汛七處右營於康熙四年內設立原經制額設官兵一千員名內除抽撥及逃故奉文裁減不准頂補共缺額兵一百三十六名實額官兵八百六十四員名額設大小哨船二十五隻康熙七年內奉行議將本營大船裁撤及別調另設復六艘及留原本營小船共哨船二十五隻康熙八年內更設營制奉公疏題定本營新添設防海口官兵四百零三員名配駕船隻防守

新會縣
新會寨原設會寧遊擊一員守備一員千總二員把總四員兵一千零八名康熙八年奉文添撥哨船二十七隻千總一員把總二員兵六百四十三名水陸通計實額官兵一千六百五十一員名

三水縣
額設欽依城守守備一員千總二員把總四員經制城守兵三百名內除陸續奉文抽撥外尚實兵二百一十七名

清遠縣
原設水陸官兵列營防守陸兵額五百二十二名把總官一員統之分守城外八鄉十一營水

兵額一百二十八名清遠英清二江道哨官統之分守沿江一帶爲十營後來兵額漸削借防連籍之陸兵一百六十名額漸削而兵亦漸弛至今始分設汛守或調或撥原無一定之例新安縣

防守新安營額設兵五百名康熙二年再立邊界增兵五百名共足一千名原設守備一員千總一員中軍守備一員千總二員把總四員兼轄大鵬所防守營并轄東莞防守營康熙四年廣州左路總兵張國勛奉

旨移鎮康熙六年總兵于奮起移鎮康熙七年罷移鎮總督周有德以大鵬營屬惠州副將管轄而新安營不轄大鵬東莞二營矣

花縣

駐防城守守備一員千總一員把總二員兵四百名先是花山叢巒伏莽寇盜肆行康熙二十一年內巡撫李士楨大發官兵分四路俱進勦撫並用始底蕩平因調遊擊一守備一千總二把總四兵八百八十名分駐紗帽嶺高埔石林麻岡石甲蕉坑正逕黃竹湖官田大木垠車頭墊屋源水西坑麻嶺埔等處防守至康熙二十五年內奉

旨建立縣治前兵半撤設守備一千總一把總二兵以二百名城守以二百名分防各要地民遂安堵

連州

駐防載入經制遊擊一員中軍守備一員千總

二員把總四員戰兵三百九十七名守兵五百九十五名

陽山縣

陽山自順治九年九月內象寇陷城藩院委遊擊吳標莊棟梁牛象陳九亮守備薛登千總孟得勝莊一德張官祿等提兵至縣於是年十一月十三日恢復隨奉藩院題授遊擊吳標分守連陽遊擊領兵一千名防鎮三連駐扎連州分設把總一員伍登領兵二百名防守陽山縣

駐防城守把總一員兵一百九十八名係防鎮三連駐扎連州官兵共一千員名內撥連自土寇披猖諸逆乘機擁擄僞號虎踞山寨遂阻聲

教郭盧茅諸將雖統師恢勦然旋復旋陷卒無成功順治十年八月選甲喇王泰副戎莊棟梁遊擊吳標領兵再進三連以圖恢復王莊吳三將抵連陽即先收拾人心以固根本次第設議勦撫兼施戰守並用一時王彭唐徐羅蔡諸巨

連山縣

連山縣駐防城守千總一員兵一百九十八名係駐防連州官兵共一千員名內撥駐防連州星子把總一員兵九十九名

廣州府物產考一

府志

府總

穀屬

粘 舊志有青粘有黃粘有花粘有銀粘有油粘又有鼠牙粘冷水拋莖芽包錦黃魚串之目獨交趾粘爲多

稻 有早稻有晚稻晚種黑穗而修芒雨不足則種之不播而穫曰穰稻經穫而再生者曰稻孫

林 秣雜於稻俗呼曰糯舊志有安南糯米魚糯白糯黃糯蕉糯油糯翻生糯荔枝糯十數種不可以釀酒

梗 惟增城新寧連州見之

黍 有黃白二種較諸稷稍多舊傳廣州地熱種麥則苗而不實自霜雪時降今凡茂盛矣有小麥有蕎麥麻最多用以造油豆與麥惟高坡生蕎麥志花豆綠豆黃豆青豆白豆紫豆大烏豆小烏豆斑豆二種花豆黑豆龍爪豆角豆刀

豆扁豆芒豆一種出新會胡麻黑脂麻白脂麻蘇子俱可造油烏紅沙豆鳳尾豆出陽山

布屬

有土綢有水綢有土縐有絲縐有兼絲有麻縐有葛有蕉有苧有青麻有絳麻有火麻有斜紋有雪被以白綿絲爲之亦有紅者若花布花被竹布則出增城要之惟綿布爲盛綿有吉貝又有木綿其木高四五丈花殷紅大於杯花落則絮蘊焉採之不盡則漫空而飛其絢者任爲褥

不知者或誤以木綿爲吉貝云

蔬屬

芥 有白芥紫芥白菜辣菜

蔬 有白儲有紅儲有甜儲孫異人千金方在山者名山藥泰楚名玉延陳與義玉延賦是也一名鷄捕一名紫把一名切玉南方草木狀甘儲蓋儲類之類根葉亦如芋實如拳有大如既者皮紫而肉白蒸熟食之味如薯預性不甚冷舊朱崖之地海中之人皆不業耕稼惟掘地種甘儲秋熟收之蒸熟切如米粒倉困貯之以充糧糗是名儲糧北方人至者或盛具牛豕膾炙而末以甘儲薦之若梗粟然大抵南人二毛者百無一二惟海中之人壽百餘歲者由不食五穀而食甘儲故爾

芋 或作蕒葉似荷而圓根如蘿蔔本草云土芝也方朔傳閩中宜薑芋食貨志岷山之下有蹲鴟注云芋也

香菌 番禺從化新會尤多山氣遇雨輒生最大者不可食

綽菜 南方草木狀綽菜夏生於池沼間葉類芡菰根如藕條南海人食之云令人思睡呼爲眼菜

蕒菜 俗音甕又音懸南方草木狀蕒菜如落葵而小性冷味甘南人編葦爲筏作小孔浮於水上種於水中則如萍根浮水面及長莖葉皆出葦筏孔中隨水上下南方之奇蔬也冷葛有大毒以蘗汁滴其苗當時萎死世傳魏武能噉

冷葛至一尺云先食此菜

樹茄 南方草木狀樹茄交廣草木經冬不衰故蔬圖之中種茄宿根有三五年者漸長枝幹乃成大樹每秋夏盛熟則梯樹採之五年後樹老子稀即伐去之別栽嫩者

增城有聖筍陽山有春不老其他蘿葡薑蔥之屬皆不能論中州獨有樹茄則稱瓊異

嶺表錄異所謂鹿角雞腸諸菜皆不甚佳相傳北人攜蔓菁就種則變而爲芥南方草木狀蔓菁嶺嶠已南俱無之偶有士人因官攜種就彼種之出地則變而爲芥亦橘種江北爲枳之義也至曲江方有菰彼人謂之秦松即蔓菁也又謂土芥高者五六尺其子大如鷄卵以爲菹埋地中有三十年者甚貴尚親實以相饋遺今所在皆有蔓菁而無所謂土芥於此足驗風土之日變

瓜屬

西瓜 按五代史云胡峒爲蕭翰掌書記隨翰入契丹契丹破回紇時種以牛糞覆棚而種之大如中國西瓜其味甘因其其實圓碧外堅子有四色黃紅黑斑北客云瓜京可止煩渴過食不爲害其仁甘溫今嶺南在在有之

土瓜 生土中如葛而圓如瓜可剖而食之

苦瓜 俗名爲蒲達人空其囊以肉蜆醃之味甚苦涼亦宜於南方暑熱

絲瓜 俗名水瓜
冬瓜 節瓜 黑瓜 蒲瓜 出新寧牛角瓜 出新會

皆熟以薦飯者木瓜則惟宜漬蜜

果屬

荔枝 甲天下漢始以充貢後罷之晉以薦太廟天寶十四年八月元宗幸驪山會貴妃生日新曲成而南海貢生荔枝至因命曲曰荔枝香其見重如此後亦罷其貢南漢僭據時夏月燕羣臣臺殿軒簾皆捕荔枝謂之紅雲燕南方草木狀荔枝樹高五六丈餘如桂樹綠葉蓬蓬冬夏榮茂青葉朱實實大如鷄子核黃黑似熟蓮實白如肪甘而多汁似安石榴有甜酢者至日將中翕然俱赤則可食也一樹下子百斛本草食之通神益智健氣及美顏色多出南海番禺其名最多曰脆玉曰狀元紅曰大將軍曰小將軍曰大丁香曰小丁香曰綠羅袍曰學士緋曰黃泥子曰水晶團曰進奉子曰天茄子曰皺玉曰麝香匣曰犀角子曰金釵子惟丫髻子爲荔枝小者並蒂而生味甘無核海山樓宋諸司以端午日閱舟師於上率以是日嘗之陳村有實大核小其味甘香名曰金釵子相傳昔人有解金釵而得其種即俗呼黑葉者也汪廣洋詩誰把金釵品價高荔枝端不讓葡萄若教李白諳風味甘分南州脫錦袍通志略荔枝亦曰離支始傳於後世初出嶺南後出蜀中海南藥譜云荔枝熟人未採則百蟲不敢近纖採之則鳥蝠蠅之類無不殘傷諸果皆然東觀漢記云南海舊獻荔枝龍眼奔馳險阻爲患孝和時唐羌上書言狀後遂罷止蓋此物一日色變二日味變

此為試讀，需要完整PDF請訪問：www.ertongbook.com